



類函 百十

新嘉坡  
二百四十邊塞  
一百四十一邊塞  
二百四十一邊塞  
一百四十二邊塞

4加3  
427  
110





門 4 3  
册  
卷



新念圖書

此係明治八年八月  
卅一月廿八日  
早稻田諸君  
以贈

早稻田書圖



門部卷

淵鑑類函卷二百四十

邊塞部十一

烏桓 徒河段

鮮卑 蠕蠕

軻比能 高車

宇文莫槐 突厥

突厥施

烏桓

**原**杜氏通典曰烏桓者本東胡也漢初匈奴冒頓滅其國餘類保烏桓山因以為號漢武帝遣霍去病擊破匈奴左地因徙烏桓於上谷漁陽右北平遼東五郡塞外為漢伺察匈奴動靜其大人歲一朝見于是始置護烏桓校尉監領之使不得與匈奴交通後漸強盛至後漢建武中鈔擊匈奴匈奴轉徙千里漠南地空帝乃以



幣帛賂遺之二十五年大人郝旦等九百餘人詣闕朝  
貢于是封其渠帥為侯王君長者八十一人皆居塞內  
布于緣邊諸郡時司徒掾班彪上言烏桓天性輕黠若  
久放縱而無總領者必復侵掠居人臣以為宜復烏桓  
校尉帝從之于是始復置校尉於上谷寧城 **增**文獻  
通考曰靈帝初烏桓漸盛上谷有難樓者眾九千餘落  
遼西有丘立居眾五千餘落皆自稱王又遼東蘇僕延  
眾千餘落自稱峭王右北平烏延眾八百餘落自稱汗  
魯土並勇健而多計策獻帝初平中丘立居死從子蹋  
頓有武畧代立總攝三王部以雄北方建安十二年曹

操自征烏桓大破蹋頓于柳城斬首二十餘萬其餘眾  
萬餘落悉徙居中國為齊人

鮮卑

**原**杜氏通典曰鮮卑亦東胡之支也別依鮮卑山因號  
焉安帝永初中鮮卑大人燕荔陽朝貢鄧太后令止烏  
桓校尉所居寧城下因築南北兩部質館 築館以受  
降質也 桓  
帝時鮮卑檀石槐者部落畏服遂推為大人檀石槐乃  
立庭于彈汗山歆仇水去高柳北三百餘里兵馬甚盛  
東西部大人皆歸焉因南抄緣邊北折丁零東却扶餘  
西擊烏孫盡據匈奴故地東西萬四千餘里南北七千

邊塞部

鮮卑

鮮卑



餘里網羅山川水澤鹽池分其地爲三部東接夫餘濊  
貊二十餘邑爲東部從右北平以西至上谷十餘邑爲  
中部從上谷以西至燉煌接烏孫二十餘邑爲西部各  
置大人主之熹平六年鮮卑寇三邊烏桓校尉夏育上  
言鮮卑寇邊自春以來三十餘發請徵幽州諸部兵出  
塞擊之一冬二春必能擒滅召百官議中郎蔡邕上議  
曰白匈奴北遁鮮卑強盛據其故地稱兵十萬加以關  
塞不嚴禁網多漏精金良鐵皆爲賊有漢人遁逃爲之  
謀主夫邊垂之患手足之蚡搔中國之困留背之癰疽  
也天設山河秦築長城漢起塞垣所以別內外異殊俗

也苟無感國內侮之患豈與計往來哉雖或破之豈可  
殄盡夫恤人救急雖成郡列縣尚猶棄之况障塞之外  
乎備邊之術李牧善其宜保塞之論嚴尤申其要遺業  
猶在文章尚存循二子之策守先帝之規臣曰可矣帝  
不從遂遣育等三萬騎三道並出去塞二千餘里檀石  
槐命三部大人各率衆逆戰育等大敗奔還死者十七  
八後種衆日多田畜射獵不足給食檀石槐乃自徇行  
見烏集秦水廣從子用反數百里水停不流其中有魚不  
能得之聞倭人善網捕于是擊倭國得千餘家徙置秦  
水上令捕魚以助糧食至晉猶有數百戶和平中魁頭與從父



弟騫曼俱檀石槐之孫爭國衆遂離散自檀石槐諸大人遂代相傳襲魁頭死步度根代立中兄扶羅韓亦別擁衆數萬人魏文帝初步度根部衆稍弱其衆萬餘落保太原雁門郡後一心守邊不為寇害而軻比能衆遂強盛至明帝務欲綏和以息征伐羈縻西部而已其後步度根竟為比能所殺也

軻比能

**原**杜氏通典軻比能本小種鮮卑以勇健斷法平端不貪財物衆推以為大人部落近塞自袁紹據河北中國人多亡叛歸之教作兵器鎧楯頗學文字故其勒御部

衆擬則中國出入弋獵建旌麾以鼓節為進退比能衆遂強盛控弦十餘萬騎餘部大人皆敬憚之然猶未能及檀石槐也至青龍元年比能誘說步度根使叛并州其後幽州刺史王雄遣勇士韓虎刺殺比能更立其弟素利彌加厥機皆為大人在遼西右北平漁陽塞外道遠初不為邊患其種衆多於比能也其後諸子爭立衆離散諸部大人慕容托跋更盛焉

宇文莫槐

**增**文獻通考曰宇文莫槐出遼東塞外代為東部大人其語與鮮卑頗異人皆剪髮而留其頂上以為首飾長



過數寸則截短之婦人被長襦及足而無裳莫槐虐用  
其人爲部下所殺立其弟普撥爲大人普撥死立其子  
丘不勤尚魏文帝女丘不勤死子莫鹿立部衆強盛自  
稱單于莫鹿死子遜昵延立率衆攻慕容鹿爲鹿子翰  
所敗悉俘其衆遜昵延死子乞得龜立復攻慕容鹿爲  
鹿所敗部人逸豆歸殺乞得龜而自立又爲慕容皝所  
敗遁歸漠北遂奔高麗其部衆五萬餘落皝徙之于昌  
黎自是散滅

徒河段

**增**文獻通考徒河段日陸眷出于遼西因亂被賣爲漁

陽烏桓大人庫辱官家奴諸大人集會幽州皆持唾壺  
唯庫辱官獨無乃唾日陸眷口中日陸眷含出因咽之  
西向拜天曰願使主君之智慧祿相盡移入我腹中其  
後漁陽大饑庫辱官以日陸眷爲健使將人衆詣遼西  
逐食遂招誘亡叛以至強盛日陸眷死後至姪務目塵  
有遼西之地而臣于晉其所統三萬餘家控弦四五萬  
騎封務目塵爲遼西公假大單于印綬後務目塵之子  
就陸眷立與弟匹磾從弟末波等率騎圍石勒于襄城  
爲勒所破擒末波而捨之就陸眷遂攝軍而還歸于遼  
西就陸眷死末波自稱幽州刺史末波死國人立日陸



眷弟護遼為主後為慕容皝所破殺之其弟鬱蘭奔石  
 季龍以所徙鮮卑五千人配之使屯令支今北平郡盧龍縣即其地  
 及冉閔之亂段龕鬱蘭子龕音堪率眾南移遂據齊地慕容儁  
 使弟恪帥眾伐龕于廣固今北海執龕殺之坑其徒三  
 千餘人

蠕蠕一

**原**杜氏通典曰蠕蠕而宛反姓郁久閭托跋在北荒部落  
 主力微末掠騎有得一奴髮始齊者忘本名其主字之  
 曰木骨閭木骨閭者首秃也木骨閭與郁久閭聲相近  
 故其後子孫因以為氏木骨閭既壯免奴為騎卒代王

猗盧時坐後期當斬亡匿廣漠谿谷之間收合逋逃得  
 百餘人至其子車鹿會雄健始有部眾自號柔然後魏  
 太武以其無知狀類于蟲故改其號曰蠕蠕後魏獻文  
 帝皇興中其主予成吐賀真之子犯塞征南將軍刁雍上表  
 曰臣聞蠕蠕所長者野戰所短者攻城若以所短奪其  
 所長則雖眾不能成患雖來不能內逼又彼散居野澤  
 隨逐水草戰則與家產並至奔則與畜牧俱逃不齎資  
 糧而飲食足是以古人伐北方攘其侵掠而已歷代為  
 邊患者良由倏忽無常故也六鎮勢分倍眾不關互相  
 圍逼難以制之昔周命南仲城彼朔方趙靈秦始長城

邊塞部

湯鑑錄卷一百四十一

蠕蠕

六



是築漢之孝武又踵其事此四代之君皆帝王之雄傑  
所以皆同此役者非智術之不長兵衆之不足乃其理  
宜然故也易稱天險不可升地險山川丘陵王公設險  
以守其國長城之謂歟今宜依古于六鎮之北築長城  
雖有暫勞之勤乃有永逸之益即于要害往往開門造  
小城于其側因地却敵多置弓弩敵來有城可守有兵  
可捍既不攻城野掠無獲草盡則走終必懲艾宜發近  
州武勇四萬人及京師二萬人合六萬人爲武士于苑  
內立征北大將軍府選忠勇有志幹者以充其選下置  
官屬分爲三軍二萬人專習弓射二萬人專習刀楯二

萬人專習騎稍修立戰場十日一習採諸葛亮八陣之  
法爲平地禦寇之方使其解兵家之宜識旌旗之節器  
械精堅必堪禦寇使將有定兵兵有常主上下相信晝  
夜如一七月發六部兵萬人各備戎作之具敕臺北諸  
屯隨近作米供送六鎮至八月征北部率所鎮與六鎮  
之兵直至磧南揚威漠北敵若來拒與之決戰若其不  
來然後分散其地以築長城計六鎮東西不過千里  
並在今馬邑雲中單于界後魏宣帝正始中尚書源思  
禮撫備北蕃以振野置鎮居南與六鎮不齊更立三戍  
亦在馬邑若一夫一月之功當三步之地三百人三里  
三千人三十里三萬人三百里千里之地強弱相兼計



十萬人一月必就運糧一月不足為多人懷永逸勞而無怨計築長城其利有五罷遊防之苦其利一也北部放牧無抄掠之患其利二也登城觀敵以佚待勞其利三也省境防之虞息無時之備其利四也歲常遞運永得不置其利五也帝從之邊境獲其利孝明帝熙平初其主醜奴予戎勇善用兵西征高車大破之擒其主彌俄突殺之盡并叛者國遂強盛醜奴死弟阿那瓌立經十日其族兄候俟力發率眾伐之阿那瓌輕騎南走歸後魏封朔方郡公蠕蠕王帝給騎二千援出塞初阿那瓌來奔之後其從父兄婆羅門率眾討力發破之眾推

婆羅門為主會婆羅門為高車所逐率部落詣涼州降

今武威郡于是蠕蠕數萬相率迎阿那瓌錄尚書事高陽王

雍尚書令李崇奏曰蠕蠕代跨絕域感化來歸阿那瓌

委質于前婆羅門歸誠于後何一呼韓得同今美竊聞

漢立南北單于晉有東西之稱皆所以相維禦難為國

藩籬今臣等參議以為懷朔鎮北土名無結山吐若奚

泉燉煌北西海郡即漢舊障二處寬平原野彌沃阿那

瓌宜置吐若奚泉婆羅門宜置西海郡各令總率部落

收離聚散彼臣下之官任其舊俗時朝廷問安置之宜

于涼州刺史袁翻翻表曰高車蠕蠕迭相吞噬始則蠕

蠕

蠕

蠕



蠕衰弱高車強盛及蠕蠕復振反破高車主喪人離不絕如縷而今高車能終雪其恥復摧蠕蠕者正由種類繁多不可頓滅故也然鬪此兩敵即卞莊之筭得使境土無塵今蠕蠕內爲高車所討滅外憑大國之威靈兩主投身一期而至若棄而不受則虧我大德若納而禮待損我資儲來者旣多全徙內地非直其情不願轉送艱難前鑒無遠覆車在于劉石毀轍固不可尋蠕蠕尚存則高車猶有內顧之憂夫賊窺箭上國蠕蠕全滅則高車跋扈之計豈易可知今蠕蠕雖主奔于上人散于下而餘黨實繁部落猶衆處處暮布以係今主耳高車

亦未能一時併兼盡令歸附又高車士馬雖衆主甚懦弱唯以掠盜爲資凌奪爲業而河西捍禦強敵唯涼州燉煌而已涼州土廣人稀糧仗素闕燉煌酒泉空虛尤甚蠕蠕無復豎立高車獨擅北垂則西顧之憂匪朝伊夕愚謂蠕蠕二主宜並存之居阿那瓌于東偏處婆羅門于西裔其婆羅門請修西海故城以安處西海故郡本屬涼州今在酒泉直北張掖西北千二百里高車所住金山千餘里正是北騎往來之要衝漢家行軍之舊道土地沃衍大宜耕殖非但今處婆羅門于事爲便即可永永爲重戍鎮防西北宜遣一良將監護婆羅門雖



外為署蠕蠕之聲內實防高車之策一二年後足食足  
兵斯固安邊保塞之良計也若婆羅門能自尅厲使餘  
燼歸心收離聚散復興其國者乃漸令北徙轉渡流沙  
即是我之外藩高車勅敵西北可無過慮如其奸回反  
覆孤恩負德者此不過適逃之寇于我何損今不早圖  
戎心一啓脫先據西海奪其險要則酒泉張掖自然孤  
危長河以西終非國有且西徼北垂即是大磧野獸所  
聚千百為群正是蠕蠕射獵之處殖田以自供藉獸以  
自給彼此相資足以自固今料度似如小損歲終大計  
其利實多高車何可專信假令稱臣止可外加優納而

須內備彌固也朝議是之詔安西將軍廷尉卿元洪超  
詣燉煌安置婆羅門

蠕蠕二

**增**羊屎粗計 午捷難行 北史將帥以羊屎粗計兵數  
武謂尚書崔宏曰蠕蠕之人昔為匈奴所抄掠其  
牛奔遁驅捷牛簡之特牛伏不能前行而况其子終不  
健牛易之者蠕蠕曰其牛尚不能行而况其子終不  
易遂為敵獲今社崇學中國立法置戰陣卒成邊害道  
家言聖人生大盜起信矣

蠕蠕三

**增**論唐李延壽北史論曰蠕蠕者匈奴之裔根本莫尋  
逃形集醜自小為大風馳鳥赴儵來忽往代京由之屢

邊塞部

前漢書卷一百一十九

蠕蠕



駭戎車所以不寧是故魏氏祖宗揚威耀武驅其畜產收其部落剪之窮髮之野逐之無人之鄉豈好肆兵極銳凶器不戢蓋亦急病除惡事不得已

高車一

**原**杜氏通典曰高車蓋古赤狄之種也初因號爲狄歷北方以爲勅勒諸夏以爲高車丁零焉其語畧與匈奴同而時有小異或云其先匈奴之甥也其種有狄氏表紇氏斛律氏解枇氏護骨氏奇斤氏本無都統大帥督管每種各有君長爲性麤猛黨類同心 **增**北史魏道武時分散諸部惟高車以類麤獷不任使役故得別爲

部落後太武征蠕蠕還至漠南聞高車東部在已尼波人畜甚衆去官軍千餘里遣左僕射安原等討之望軍而降者數十萬落獲牛馬羊亦百餘萬皆徙至漠南千里之地乘高車逐水草畜牧蕃息數年之後漸知粒食歲致貢獻由是羶皮委積文成時五部高車合聚祭天衆至數萬大會走馬殺牲遊遠歌吟忻忻其俗稱自前世以來無盛于此高車之俗又有十二姓一曰泣伏利氏二曰吐盧氏三曰乙旃氏四曰大連氏五曰窟賀氏六曰達薄氏七曰阿崙氏八曰莫允氏九曰俟分氏十曰副伏羅氏十一曰乞表氏十二曰右叔沛氏彌俄突



立遣使朝貢明帝初彌俄突與蠕蠕主醜奴戰敗被擒醜奴繫其兩脚于駑馬之上頓曳殺之漆其頭為飲器其部眾悉入噉達彌俄突弟伊訇復國遣使奉表詔封為高車王伊訇復大破蠕蠕與中伊訇子比適又為蠕蠕所破子去賓奔東魏齊神武欲招納遠人上言封去賓為高車王

高車二

**增**破狼山 起鹿苑 此史魏道武討其餘種于狼山大破之 獵以高車為圍騎徒連列則七百餘里聚雜獸于其中因驅至平城即以高車眾起鹿苑南因臺陰北拒長城東包白登二兩山尋而九百餘落內附

突厥一

**原**杜氏通典曰突厥蓋匈奴之別種姓阿史那氏後魏太武滅沮渠氏 沮渠茂度都姑臧 阿史那以五百家奔蠕蠕代居金山城狀如堽磬俗呼堽磬為突厥因以為號唐起義二年薛舉猶據隴右遣其將宗羅侯攻陷平涼郡北與頡利結連高祖遣光祿卿宇文歆齎金帛以賂頡利歆說之令與薛舉絕初隋五原太守張長遜因亂以其所部五城隸于突厥歆又說頡利遣長遜入朝以五原地歸于我頡利並從之因發突厥兵及長遜之眾並會于太宗軍所頡利承父兄之資兵馬強盛有

邊案部

開元真偽卷一百四十一

突厥



漢書卷一百四十一  
馮陵中夏之志高祖以中原初定未遑外畧每優容之  
賜與不可勝計頡利言辭悖傲求請無厭四月頡利自  
率萬餘騎與馬邑賊苑君璋將兵六千人共攻雁門定  
襄王李大恩擊走之于是大懼更請和好獻魚膠數十  
觔令二國同于此膠七年八月頡利突利二可汗又入  
寇原州連營南上太宗北討頡利兵于幽州頡利率萬餘  
騎奄至城西乘高而陣將士大駭太宗乃親率百騎馳  
詣告之曰國家與可汗誓不相負何為背約深入吾地  
我秦王也故來一決可汗若自來我當與可汗兩人獨  
戰若欲兵馬總來我唯百騎相禦耳頡利弗之測笑而

不對太宗又前令騎告突利曰爾往與我盟急難相救  
爾今將兵來何無香火之情也亦宜早出一決勝負突  
利亦不對太宗因縱反間于突利悅而歸心焉其叔姪  
內離頡利因遣使請和許之八年七月頡利領十餘萬  
騎大掠朔州又襲將張瑾于太原瑾全軍沒脫身奔于  
李靖靖出師拒戰頡利不得進屯于并州太宗率師討  
之次蒲州頡利引去九年七月頡利又率十餘萬騎進  
寇武功京師戒嚴己卯進寇高陵行軍總管左武侯大  
將軍尉遲敬德與之戰于涇陽大破之獲俟斤阿史德  
烏沒啜斬首千餘級癸未頡利遣其腹心執失思力來



朝自張形勢云兵百萬今至矣太宗誚之曰我與突厥嘗面約和汝則背之我實無愧又義軍入京之初爾父子並親從我賜爾玉帛前後極多何故全忘大恩自誇強盛我當先戮爾矣思力懼而請命太宗繫之于門下省太宗與侍中高士廉中書令房元齡將軍周範馳六騎幸渭水之上與頡利隔津而語責以負約其帥大驚皆下馬羅拜而衆軍徑至頡利見軍容大盛又知思力就拘由是大懼太宗獨與頡利臨水交言麾諸軍却而陣焉蕭瑀以輕敵固諫于馬前上曰吾已籌之矣突厥所以掃其境內直入渭濱應是聞我國家初有內難我

新登九五將謂不敢拒之今若閉門彼必大掠強弱之勢在今一舉我故獨出一以示輕之又曜軍容使之必戰事出不意乘其不圖彼入既深理當自懼與戰則必尅與和則必固制服突厥自茲始矣是日頡利請和詔許之乙酉又幸城西刑白馬頡利同盟于便橋之上頡利引兵而退蕭瑀進曰初頡利之未和也謀臣猛將各欲戰而陛下不以為疑既而寇自退其策安在上曰我觀突厥之兵雖衆而不整可汗獨在水西酋帥皆來謁我因而襲擊其衆勢同拉朽然我所以不戰者即位日淺為國之道安靜為務又一者彼或懼而修德結怨于



我爲患不細我今卷甲韜戈啗以玉帛兇頑驕恣必自此始破亡之漸其在茲乎貞觀元年陰山以北薛延陀回紇扶也古等十餘部皆相率叛之擊走其欲谷設頡利遣突利討之師敗奔還頡利怒拘之十餘日突利由是怨恨欲背之二年突利遣使奏與頡利有隙請擊之詔秦武通以并州兵馬隨便接應三年薛延陀自稱可汗于漠北遣使來貢方物頡利稱臣求尚公主頡利每委任疎遠族類法令滋章兵革歲動國人患之諸部攜貳頻年大雩六畜多死國中大饑用度不給復重斂諸部由是內外多叛上以其和後復擾梁師都令兵部尚

書李靖代州都督張公瑾出定襄道并州都督李勣右武衛將軍丘行恭出通漠道左衛大將軍柴紹出金河道衛孝節出恒安道薛萬淑出暢武道並受靖節度以討之十二月突利可汗及郁射設蔭奈特勒等並率所部來奔四年正月李靖進屯惡陽嶺夜襲定襄頡利驚擾因徙牙于磧口康蘇密等遂以隋蕭后及楊正道來降二月頡利計窘竄于鐵山兵尚數萬使執失思力入朝謝罪舉國內附太宗遣鴻臚卿唐儉將軍安修仁持節安撫之頡利稍自安靖乘間襲擊大破之遂滅其國復定襄恒安之地斥土界至于大漠頡利乘千里馬獨



騎奔于從姪沙鉢羅部落三月行軍副總管張寶相率  
衆掩至沙鉢羅營生擒頡利送于京師太宗赦之令還  
其家口館于太僕廩食之頡利鬱鬱不得志與其家人  
或相對悲歌而泣上見其羸憊授虢州刺史以彼土多  
麀鹿縱其田獵庶不失物性頡利辭不願往遂授右衛  
大將軍賜以田宅頡利之敗也其部落或走薛延陀或  
走西域而來降者甚衆首領至者皆拜將軍布列朝廷  
五品以上百餘人殆與朝士相半唯柘羯不至詔使招  
慰之涼州都督李大亮以爲于事無益徒費中國因上  
疏曰近日突厥傾國入朝旣不能俘之江淮以變其俗

乃置于內地去京不遠雖則寬仁之義亦非久安之計  
也每見一人初降賜布五疋袍一領渠帥悉受大官祿  
厚位尊理多糜費以中國之租賦供積惡之兇逆其衆  
益多非國之利時降突厥多在朔方之地其入居京師  
者近萬家詔議安邊之術朝士多言突厥恃強擾亂中  
國爲弊日久今天實喪之窮來歸我本非慕義之心因  
其歸命分其種落俘之充徐之地散屬州縣各使耕織  
化爲百姓則中國有加戶之利塞北可常空虛矣唯中  
書令溫彥博議請準漢建武時置降匈奴于河南五原  
塞下全其部落得爲捍蔽又不離其土俗因而撫之一



則實空虛之地二則示無猜心若遣向徐兗則乖物性  
非含有之道秘書監魏徵奏言北荒自古至今未有如  
斯之破敗者也且其代寇中國百姓怨讐若以其降伏  
不即誅滅即宜遣還河北居其本土奈何以內地居之  
且今降者幾至十萬數年之間孽息日倍居在肘腋甫  
邇王畿心腹之疾將爲後患彥博又曰天子于物也如  
天地覆載有歸者則必養之今突厥破滅之餘歸心降  
附若不加憐念棄而不納非天地之道阻四夷之意微  
又曰晉代有魏時胡落分居近郡郭欽江統勸逐塞外  
武帝不用數年之後遂傾瀍洛前代覆車殷鑒不遠必

遣居河南所謂養虎自遺患也彥博又曰臣聞聖人之  
道無所不通古先哲王有教無類突厥餘魂以衆歸我  
援之護之收居內地我指麾之教以禮法數載之後盡  
爲農人選其首領遣居宿衛畏威懷德何患之有且光  
武居南單于於內郡爲漢藩翰終乎一代不有叛逆太  
宗用溫彥博計于朔方之地幽州至靈州置順化四州  
都督府又分頡利之地六州左置定襄都督府右置雲  
中都督府以統其衆 突厥別部車鼻可汗亦阿史那  
之族也代爲小可汗牙在金山之北頡利可汗之敗北  
荒諸部將推爲大可汗遇薛延陀爲可汗車鼻不能當



洪鑑類編卷二百四十一  
遂率所部歸于延陁爲人勇烈有謀畧頗爲衆所附延  
陁惡而將誅之車鼻知其謀竄歸于舊所其地去京師  
萬里勝兵三萬人自稱乙注車鼻可汗西有葛邏祿北  
有結骨皆附隸之 默啜者骨咄祿之弟也篡位自立  
爲可汗中宗即位默啜又寇靈州鳴沙縣靈武軍大總  
管沙吒忠義拒戰敗績死者六千餘人賊遂進寇原會  
等州掠隴右郡牧馬萬餘匹而去忠義坐免中宗令內  
外各進破突厥之策右補闕盧備上疏曰臣聞陳湯統  
西域而郅支滅常惠用烏孫而匈奴敗請購辯勇之士  
班傅之儔旁結諸蕃與圖攻取此犄角之勢也臣又聞

昔置新秦以實塞下宜因古法募人徙邊選其勝兵免  
其行役次廬伍明教令則狃習戎事究識夷險其所掠  
獲因而賞之近戰則守家遠戰則利貨趨赴鋒鏑不勞  
訓誓朝賦楊柳夕歌杖杜十年之後可以久安上覽而  
善之默啜于是殺我行人假鴻臚卿臧思言上以思言  
對賊不屈節特贈鴻臚卿仍命左屯衛大將軍張仁愿  
充朔方道大總管以禦之景雲二年三月張仁愿于河  
北築三受降城先是朔方軍北與突厥以河爲界河北  
岸有拂雲祠突厥將入寇必先詣祠祭酹求福因牧馬  
料兵候冰合渡河時默啜盡衆西擊婆葛仁愿乘虛奪



取漠南之地築三城首尾相應絕其南寇之路留年滿  
 兵助成其功以拂雲祠為中城與東西相去各四百里  
 皆據津濟遙相應接北拓三百餘里于牛頭胡那山北  
 置烽候百八十所自是突厥不得度山放牧朔方更無  
 寇掠減鎮兵數萬人初薛議不同睿宗竟從仁願計時  
 斬于城下軍中股慄盡力六旬而三城俱就木不置壘  
 門及曲敵或問之仁願曰兵法貴在攻取不直退守寇  
 若至此即當并力出戰迴轉城須斬之何用守備  
 生其思歸之心其後常以備為制方總管始築壘門

西突厥大邏便木杆可初木杆與沙鉢畧可汗有隙  
 因分為二大邏便即其國居烏孫之故地東至突厥國  
 西至雷耆海南至疎勒北至瀚海在京師西北七千里

自焉耆國西北七日行至其南庭自南庭又正北八日  
 行至其北庭西域諸國皆歸附之 處羅可汗煬帝大  
 業六年帝將西討吐谷渾遣侍御韋節召處羅會于大  
 斗拔谷其國人不從處羅謝使者辭以故適會其渠長  
 射匱使求婚裴矩因奏曰處羅不朝自恃強大臣請以  
 計弱之分裂其國則易制也射匱者都六之子達頭之  
 孫達頭舊為西而可汗初與沙鉢畧有隙遂分為別部  
 因東可汗難處問死後自立為沙迦可汗達頭死後  
 其孫射匱微弱代為可汗君臨西面今聞其失職附隸  
 于處羅故遣使來以結援耳願厚禮其使拜為大可汗  
 突厥勢分兩從我矣帝從之遂召其使者言處羅不順

邊塞部

突厥



之意稱射匱有好心吾將立爲大可汗令發兵誅處羅  
然後當爲婚也帝取桃竹白羽箭一枝以賜射匱因謂  
之曰此事宜速疾如箭也使者返路經處羅處羅愛箭  
將留之使者譎而得免射匱聞而大喜興兵襲之處羅  
大敗棄妻子將左右數千騎東走遁于高昌會寧郡處  
羅唐封歸義郡王俄貢大珠于高祖上勞之曰珠信爲  
寶王但赤心珠無所用不受自處羅朝隋後射匱遂有  
其地 特勅大奈隋大業中與曷薛那可汗同歸中國  
及從煬帝討遼東以功授金紫光祿大夫後分其部落  
于樓煩會高祖舉兵大奈率其衆以從隋將桑明和襲

義軍于飲馬泉諸軍多已奔退大奈將數百騎出明和  
後掩其不備擊大破之諸軍復振拜光祿大夫及定京  
城以力戰功賞物五千段賜姓史氏武德初從太宗討  
薛舉又從平王世充寶建德劉黑闥並有殊功賜宮女  
三人雜綵萬餘段貞觀三年累遷右武衛大將軍檢校  
豐州都督封竇國公實封三百戶十二年卒贈輔國大  
將軍 初曷薛那之朝隋也爲煬帝所留其國人遂立  
薛那之叔父射匱爲可汗始開土字東至金山西臨西  
海自玉門以西諸國皆役屬之遂與北突厥爲敵乃建  
庭于龜茲北三彌山尋卒弟統葉護可汗代立統葉護



可汗勇而有謀善攻戰遂北并鐵勒西拒波斯南接屬  
賓悉歸之控弦數十萬霸有西域據舊烏孫之地又移  
庭于石國北千里其西域諸國王悉授頡利發并遣吐  
屯一人監統之督其征賦西戎之盛未有也武德三年  
遣使貢條支巨卵時北突厥作患高祖厚撫與之并力  
以圖北蕃統葉護許以五年冬大軍當發頡利可汗聞  
之大懼復許葉護通和無相征伐統葉護尋遣使來請  
婚高祖謂侍臣曰西突厥去我懸遠急疾不相得力今  
來請婚計將安在封德彝對曰當今之務莫若遠交而  
近改正可權許其婚待三數年後中國全盛徐思其宜

高祖許之婚令高平王道立至其國統葉護大悅遇頡  
利可汗頻歲入寇西蕃路梗由是未果為婚貞觀元年  
遣真珠統俟斤與道立來獻萬釘寶鈿金帶馬五千匹  
時統葉護自負強盛無恩于國部落咸怨為其伯父所  
殺而自立是為莫賀咄屈利俟昆可汗初分統突厥種  
類為小可汗及此自稱大可汗國人不附弩矢畢部共  
推泥熟莫賀設為可汗泥熟不從時統葉護之子啞力  
特勒避莫賀咄之難亡在康居泥熟遂迎而立之是為  
乙毘沙鉢羅肆葉護可汗連兵不息俱遣使來朝肆葉  
護素憚泥熟而陰欲圖之泥熟遂適焉者其後設卑達



干與突厥弩矢畢二部豪帥潛謀擊之肆葉護以輕騎遁于康居尋卒國人迎泥熟于焉耆而立之是為咄陸可汗咄陸可汗者亦稱大度可汗父莫賀設本隸統葉護武德中常至京師時太宗居藩務加懷輯與之結盟為兄弟既被推為可汗遣使詣闕請降太宗賜以名號及鼓纛貞觀七年遣鴻臚少卿劉善因至其國冊授為吞河婁拔奚利邲咄陸可汗明年泥熟卒其弟同娥設立是為沙鉢羅啞利失可汗以貞觀九年上表請婚獻馬五百匹朝廷惟厚加撫慰未許其婚俄而其國分為十部每部令一人統之號為十設每設賜以一箭故稱

十箭焉又分十箭為左右廂各置五箭其左廂號為五咄六部置五大啜管一箭右廂號為五弩矢畢部置五大俟斤管一箭其後或稱一箭為一部落大箭頭為大首領五咄六部落居碎葉以東五弩矢畢部落居于碎葉以西自是都號為十姓部落十二年西部竟立欲谷設為乙昆咄陸可汗乙昆咄陸可汗又建庭于烏鏃曷山西謂之北庭自厥越失拔悉彌駁馬結骨火燭觸木昆諸國皆臣之十三年乙昆可汗既立建庭于雖合水北謂之南庭東以伊列河為界自龜茲鄯善且末吐火羅焉耆石國史國何國穆國康國皆受其節度

按乙昆可汗名



非欲谷設

突厥二

**璿**與九轉 牙帳東開 北史其主初立重臣等與之

恒處之山牙帳東 月滿為寇 草青記年 又曰可

滿蓋敬日之所出也

突厥三

**增**詔隋高祖詔曰往者魏道衰弊禍難相尋周齊抗衡  
分割諸夏突厥俱通二國周人東慮恐齊好之深齊氏  
西虞懼周交之厚竭生民之力供其來往傾府庫之財  
棄于沙漠猶復劫剝烽戍殺害吏民無歲月而不有也

惡積禍盈非止今日朕受天明命子育萬方愍臣庶之  
勞除既往之弊以為厚斂兆庶多惠豺狼未嘗感恩資  
而為賊違天地之意非帝王之道節之以禮不為虛費  
省徭薄賦國用有餘因入賊之物加賜將士息道路之  
民務于耕織清邊制勝成策在心凶醜愚闇未知深旨  
將大定之日比戰國之時乘昔世之驕結今時之恨近  
者盡其巢窟俱犯北邊朕分置軍旅所在邀截望其深  
入一舉滅之而遠鎮偏師逢而摧翦未及南上遽已奔  
北應弦染鏑過半不歸且彼渠帥其數凡五昆季爭長  
父叔相猜外示彌縫內乖心腹世行暴虐家法殘忍突

邊塞部

淵鑑類函卷二百四十一

突厥



厥之北契丹之徒切齒磨牙常伺其便達頭前攻酒泉  
其後于闐波斯挹怛三國一時即叛沙鉢畧近趨周槃  
其部內薄孤東紇羅尋亦翻動往年利稽察大爲高麗  
靺鞨所破妾昆設又爲紇文可汗所殺與其爲鄰皆願  
誅劉部之下意與純三萬軍仇敵怨偶泣血拊  
心從是積恨三首方足言人怨之深一于此更切朕懷  
彼地苦寒一作年將一紀乃賦爲人語人作神言每冬  
雷震觸地火生種類資給惟藉水草去歲四時竟無雨  
雪川谷蝗暴卉木燒盡飢疫死亡人畜相半舊居之所  
赤地無依遷徙漠南偷存晷刻斯蓋上天所忿驅就齊

斧幽明合契今也其時故選將治兵贏糧聚甲義士奮  
發北夫肆憤雲歸霧集不可數也東極滄海西盡流沙  
縱百勝之兵橫萬里之衆亘朔野之追躡望天崖而一  
掃此則王恢所說其猶射雁何敵能當何遠不服但皇  
王舊迹北止幽都荒遐之表文軌所棄得其地不可以  
居得其民不忍皆殺無勞兵革遠規溟海諸將今行義  
兼舍育有降者納有違者死異域殊方被其擁抑放聽  
復舊廣闊邊境嚴治關塞使其不敢南望永服威刑卧  
鼓息烽暫勞終逸普告海內知朕意焉

表突厥攝圖上表曰大突厥伊利俱盧設始波羅莫



何可汗臣攝圖言大使尚書右僕射虞慶則至伏奉詔書兼宣慈旨仰惟恩信之著愈久愈明徒知負荷不能答謝突厥自天置以來五十餘載保有沙漠自王蕃隅地過萬里士馬億數恒力兼戎夷抗禮華夏在于戎狄莫與爲大頃者氣候清和風雲順序意以華夏其有大聖興焉伏惟大隋皇帝真皇帝也豈敢阻兵恃險偷竊名號今便感慕淳風歸心有道雖復南瞻魏闕山川悠遠北面之禮不敢有廢當令侍子入朝神馬歲貢朝夕恭承惟命是視謹遣第七兒臣窟合真等奉表以聞

突厥施

**增**文獻通考曰突厥施烏質勒者西突厥之別種也初隸在斛瑟羅下號爲莫賀達干後以斛瑟羅用法嚴酷擁衆背之尤能撫恤其部落由是爲遠近所歸附其下置都督二十員各統兵七千人常屯聚碎葉西北界後漸攻陷碎葉徙其牙帳居之東北與突厥爲鄰西至庭州斛瑟羅以部衆削弱自武太后時入朝不敢還畚其地並爲烏質勒所并及卒其長子婆葛代統其衆詔便立婆葛爲金河郡王仍賜以宮女四人初婆葛代父統兵烏質勒下部將闕噉忠節甚忌之以兵部尚書宗楚客當朝在勢密遣使賂楚客請停婆葛統兵楚客乃遣



御史中丞馮嘉賓充使陰與忠節籌其事在路爲婆葛  
遊兵所獲遂斬嘉賓仍進兵攻陷火燒等城上表欲索  
楚客頭景龍三年婆葛弟遮弩恨所分部落少于其兄  
遂叛入突厥請爲導以討婆葛默啜乃留遮弩遣兵二  
萬人討婆葛殺之默啜兵還婆羅下部將蘇祿鳩集餘  
衆自立爲可汗 蘇祿者突騎施別種頗善綏撫十姓  
部落漸歸附之有衆二十萬遂雄西域之地尋遣使來  
朝開元三年制授蘇祿爲左羽林衛大將軍金方道經  
畧大使特遣侍御史解忠順齎書冊立爲忠順可汗  
自是每年遣使朝獻上乃立史懷道女爲金河公主以

妻之時杜暹爲安西都護公主遣牙官詣安西牙市使  
者宣公主教與暹暹曰阿史那氏女豈令宣教與吾  
度使邪杖其使者留而不遣蘇祿大怒發兵分寇四鎮  
俄又遣使入朝獻方物十八年蘇祿使至京師上御丹  
鳳樓設宴時突厥先遣使入朝是日同宴與蘇祿使爭  
長突厥使曰突騎施國小本是突厥之臣不宜居上蘇  
祿使曰此宴乃爲我設不合居下中書門下及百僚遂  
于東西幕下兩處分坐突厥使在東突騎施使在西宴  
訖厚賚而遣蘇祿性清儉每所克獲盡分與將士其下  
愛之甚爲其用潛又遣使南通吐蕃東附突厥及吐蕃



亦嫁女與之蘇祿既以三國女爲可敦又分立數子爲  
葉護費用漸廣晚年抄掠所得者留不分其下諸部心  
始攜貳有大首領莫賀達干都摩度兩部落爲強盛百  
姓又分黃姓黑姓兩種互相猜阻二十六年莫賀達干  
勒兵夜攻蘇祿殺之都摩度初與莫賀達干連謀俄又  
相背立蘇祿之子吐火仙爲可汗自相攻擊莫賀達干  
遣使告安西都護蓋嘉運嘉運率兵討之擒吐火仙并  
收得金河公主而還又欲立史懷道之子昕爲可汗以  
鎮撫之莫賀達干不許乃令莫賀達干統衆俄又黃姓  
黑姓自相屠殺各遣使降附

淵鑑類函卷二百四十



淵鑑類函卷二百四十一

邊塞部十二

鐵勒

薛延陀

契拔野古

多覽葛

僕骨

葛邏祿

同羅

阿跋

契拔野古

多覽葛

僕骨

黠戛斯

烏羅渾

都播

骨利幹

白雷

大漢

地豆干

庫莫奚

流鬼

契丹

回紇

鹽漠念

鐵勒

原杜氏通典曰鐵勒之先匈奴之苗裔也種類最多自

西海之東依據山谷往往不絕獨洛河北有僕骨同羅

韋紇扶也古覆羅並號俟斤蒙陳吐如紇斯結渾斛薛

等諸姓勝兵可二萬伊吾以西焉耆之北傍白山則契

邊塞部

鐵勒



弊薄落職乙啞蘇婆那曷烏護骨紇也啞於尼護等勝  
兵可二萬金山西南有薛延陀啞勒兒十槃達契等萬  
餘人康國北傍阿得水則有訶咩曷巖撥忽叱干具海  
曷比悉阿嵯蘇拔也末渴達等三萬餘兵傍巖海東西  
有蘇路羯三索咽蔑促薛忽等諸姓八千餘兵拂菻東  
則有恩屈阿蘭北振九離伏盟昏等嗚烏反近二萬人北  
海南則都波等雖姓氏各別總謂為鐵勒並有君長屬  
東西兩突厥突厥國有東西征討皆資其用以制北荒  
十六國慕容垂時塞北後魏末河西並云有敕勒部鐵  
勒蓋言訛也

薛延陀

**原**杜氏通典曰薛延陀鐵勒之別部前燕慕容儁時匈奴單于賀利頭率部三萬五千來降陀蓋其後與薛部雜居因號薛延陀可汗姓壹利  
啞氏代為強族初蠕蠕之滅也並屬於突厥而部落中  
分在鬱督軍山者東屬於始畢在貪汗山者西屬於葉  
護其主夷男唐貞觀中遣使朝聘為毘伽可汗居大漠  
之北俱淪水南去長安萬四千餘里後鐵勒僕骨同羅  
共擊薛延陀大敗之太宗以其破亡遣江夏王道宗左  
衛大將軍阿史那社余為瀚海道安撫使初薛延陀真  
珠毘伽可汗遣使請婚太宗許以女妻之徵可汗備親

邊塞部  
薛延陀



迎之禮詔幸靈州與之禮會延陀先無府藏調斂其國且行萬里既涉沙磧無水草而牛馬多死遂後期太宗于是停幸靈州既而聘羊馬損耗將半于是返其使者羣臣或云許公主以妻延陀邊境得以休息納其獻聘不可失信于蕃人宜在速成太宗曰君等知古而不知今昔漢家匈奴強而中國弱所以厚飾子女嫁與單于今中國強而延陀弱漢兵千人堪擊其數萬延陀所以扶服稽顙恣我所為不敢驕慢者以新得立為君長雜居非其本屬將倚大國用服其衆彼同羅僕骨等十餘部落兵各數萬足制延陀所以不敢發者以延陀為我

所立懼中國也若今以女妻之大國子壻增崇其禮深結黨援雜姓部落更尊服之微不得意勒兵南下謂養獸自噬也今不與其女使命頗簡諸姓部落知吾棄之其爭擊延陀必矣既而李思摩果侵掠之延陀遣突利失寇定襄掠百姓太宗遣英國公李勣援之已出塞而還太宗以璽書責讓之可汗乃遣使致謝復請發兵助軍太宗優詔荅而止焉

拔野古

**新唐書**曰拔野古一曰拔野固或為拔曳固漫散磧北地千里直僕骨東帳戶六萬兵萬人地有薦草產良



馬精鐵有川曰康干河斷松投之三年輒化為石色蒼  
緻然節理猶在世謂康干石俗嗜獵射少耕獲乘木逐  
鹿冰上風俗大抵鐵勒也言語少異唐貞觀三年與僕  
骨同羅奚霫同入朝二十一年大俟利發屈利失舉部  
內屬置幽陵都督府拜屈利失右武衛大將軍即為都  
督顯慶時與思結僕固同羅叛遣鄭仁泰擊之斬其渠  
帥天寶間來朝

僕骨

**增**新唐書曰僕骨亦曰僕固在多覽葛之東帳戶三萬  
兵萬人地最北俗梗驚難召率始臣突厥後附薛延陀

延陀滅其長安副俟利發歌濫拔延始內屬以其地為  
金微州拜歌濫拔延為右武衛大將軍徽州都督唐開  
元初為首領僕固所殺詣朔方降有司誅之子曰懷恩  
至德時以功至朔方節度使

同羅

**增**新唐書曰同羅在薛延陀北距長安七千里勝兵三  
萬貞觀二年遣使者入朝久之請內屬置龜林都督府  
拜俟利發時健啜為左領軍大將軍即授都督安祿山  
反劫其兵用之號曳落河曳落河猶言健兒云

阿跋

邊塞部

同羅 阿跋 契丹



增文獻通考曰阿跋亦鐵勒之別部在多濫葛西北勝兵千七百隋代號訶啞部是也遷徙無常所唐初來朝以其地爲羅田州開元中跌跌思泰自突厥來其後光顏光進皆以戰功至大官賜姓李氏附屬籍

契苾

增新唐書曰契苾亦曰契苾羽在焉耆西北鷹婆川多覽葛之南其長哥楞自號可汗弟莫賀咄特勒皆有勇莫賀咄死子何力尚紐率其部來歸時貞觀六年也詔處之甘涼間以其地爲榆溪州永徽四年以其部爲賀蘭都督府隸燕然都護何力有戰功忠節臣也太和中

其種帳附於振武云

多覽葛

增新唐書曰多覽葛亦曰多濫在薛延陀東濱同羅水勝兵萬人延陀已滅其長俟斤多濫葛末與回紇皆朝以其地爲燕然都督府授右衛大將軍即爲府都督死以多濫葛塞匄爲大俟利發繼爲都督

葛邏祿

增新唐書曰葛邏祿本突厥諸族在北廷西北金山之西跨僕固振水包多怛嶺與車鼻部接有三族一謀落或爲謀刺二熾俟或爲婆匄三踏實力唐永徽初高俥



之伐車鼻可汗三族皆內屬顯慶二年以謀落部為陰山都督府熾俟部為大漠都督府踏實力部為元池都督府即用其長為都督後分熾俟部置金附州三族當東西突厥間常視其興衰附叛不常後稍南徙自號三姓葉護兵強甘于闐延州以西諸突厥皆畏之開元初再來朝天寶時與回紇拔悉密共攻殺烏蘇米施可汗又與回紇擊拔悉密走其可汗阿史那施于北廷奔京師葛邏祿與九姓復立回紇葉護所謂懷仁可汗者也于是葛邏祿之處烏德健山者臣回紇在金山北庭者自立葉護歲來朝久之葉護頓毘伽縛突厥叛寇阿布

思進封金山郡王天寶間凡五朝至德後葛邏祿寢盛與回紇爭強徙十姓可汗故地盡有碎葉怛邏斯諸城然限回紇故朝會不能自達

拔悉彌

**增**文獻通考拔悉彌一名弊刺國隋時聞焉在北庭北海南結骨東南依山散居去燉煌九千餘里有渠帥無王號戶二千餘其人雄健皆獵射國多雪恒以木為馬雪上逐鹿其狀似楯而頭高其下以馬皮順毛衣之令毛著雪而滑如著屨履縛之足下履先叶反履巨戔反若下坂走過奔鹿若平地履雪即以杖刺地而走如船焉上坂即

邊塞部

拔悉彌都搭



手持之而登每獵得鹿將家室就而食之盡更移處其所居即以樺皮為舍丈夫剪髮樺皮為帽 新唐書曰貞觀二十三年始來朝天寶初與回紇葉護殺突厥可汗立拔悉蜜大帥阿史那施為賀臘毘伽可汗遣使者入謝賜袍帶不三歲為葛邏祿回紇所破奔北庭後朝京師拜左武衛將軍地與眾歸回紇

都播

**增**新唐書曰都播亦曰都波其地北瀕小海西堅昆南回紇分三部皆自相統制其俗無歲時結草為廬無畜牧不知稼穡土多百合草掇其根以為飯捕魚鳥獸食

之衣貂鹿皮貧者緝烏羽為服婚姻富者納馬貧者致鹿皮草根無刑罰盜者倍輸其贓貞觀二十一年因骨利幹入朝亦以使通中國

骨利幹

**增**新唐書曰骨利幹處瀚海北勝兵五千草多百合產良馬首似橐駝筋骼壯大日中馳數百里其地北距海去京師最遠又北度海則晝長夜短日入烹羊胛熟東方已明蓋近日出處也唐貞觀二十一年入朝詔以其地為元闕州其長俟斤因使者獻馬帝取其異者號十驥皆為美名曰騰霜白曰皎雪驄曰疑露驄曰縣光驄



曰決波踰曰飛霞驃曰發電赤曰流金馱曰翔麟紫曰奔虹赤厚禮其使龍朔中以元闕州更爲余吾州隸瀚海都督府延載初亦來朝

白霄

**增**新唐書曰白霄居鮮卑故地直京師東北五千里與同羅僕骨接避薛延陀保奧支水冷陁山南契丹北烏羅渾東靺鞨西拔野古地圓袤二千里山繚其外勝兵萬人業射獵以赤皮緣衣婦貫銅釧以子鈴綴襟其部有三曰居延曰無若沒曰潢水其君長臣于突厥頡利可汗爲俟斤唐貞觀中再來朝後列其地爲寘顏州以

別部爲居延州即用俟斤爲刺史顯慶五年授其長李含珠爲居延都督含珠死弟厥都繼之後無聞焉

霄

**增**文獻通考曰霄匈奴之別種隋時通焉與靺鞨爲鄰理黃水北亦鮮卑故地勝兵萬餘人習俗與突厥畧同亦臣于頡利其渠帥號爲俟斤唐貞觀中遣渠帥內附續文獻通考曰遼太祖親征東西部奚皆平之盡有奚霄之地

斛薛

**增**新唐書曰斛薛處多濫葛北勝兵萬人奚結處同羅



北思結在延陀故牙二部合兵凡二萬唐時來朝列其地州縣之

烏羅渾

**增**新唐書曰烏羅渾或曰烏洛侯曰烏羅護直京師東北六千里東靺鞨西突厥南契丹北烏桓大抵風俗皆靺鞨也北史曰烏洛侯亦曰烏羅渾國後魏通焉在地豆干北其上下濕多霧氣而寒冬則穿地爲室夏則隨原阜多豕有穀麥其人尚勇不爲姦竊故慢藏野積而無寇盜好獵射樂有胡箜篌木槽革面而九弦其國西北有完水東北流合于難水東入于海又西北二十

日行有于已尼大水所謂北海也太武帝真君四年來朝稱其國西北有魏先帝舊墟石室南北九十步東西四十步高七十尺室有神靈人多祈請太武帝遣中書侍郎李敞告祭焉刻祝文于石室之壁而還

鞠國

**增**新唐書曰鞠國或曰穢居拔野古東北有木無草地多苔無羊馬人豢鹿若牛馬惟食苔俗以駕車又以鹿皮爲衣聚木爲屋尊卑共居

俞析

**增**文獻通考曰俞析國在鞠國東十五日行其土地寬



大百姓衆多 新唐書曰俗與拔野古相埒少羊馬多  
貂皮

駁馬

增新唐書曰駁馬者或曰弊刺曰遏羅支直突厥之北  
距京師萬四千里隨水草然喜居山勝兵三萬地常積  
雪木不凋以馬耕田馬色皆駁因以名國雖畜馬而不  
乘資湏酪以食好與結骨戰人類結骨而語不相通構  
木類并幹覆樺為室各有小君長不相臣也 文獻通  
考曰突厥謂駁馬為曷刺亦名曷刺國其地近北海經  
突厥大部落五乃至馬三十萬匹其國以俟斤統領其

土境東西一月行南北五十日行土地嚴寒好漁獵取  
魚鹿獺貂鼠充食以其皮為衣少鐵器用陶瓦釜及樺  
皮根為盤盃唐永徽中遣使朝貢

大漢

增新唐書曰大漢處鞠之北饒羊馬人極頗大故以自  
名與鞠俱鄰于黠戛斯古所未賓當貞觀逮永徽奉貂  
馬入朝或一再至

黠戛斯

增新唐書曰黠戛斯古堅昆國也地當伊吾之西焉耆  
北白山之旁或曰居勿曰結骨其種雜丁零乃匈奴西



鄯也匈奴封漢降將李陵爲右賢王衛律爲丁零王後  
鄯支單于破堅昆于時東距單于庭七千里南車師五  
千里鄯支留都之故後世得其地者訛爲結骨稍號紇  
骨亦曰紇挖斯云衆數十萬勝兵八萬直回紇西北三  
千里南依貪漫山地夏沮洳冬積雪人皆長大赤髮皙  
面綠瞳以黑瞳爲不祥黑瞳者必曰陵苗裔也男少女  
多以環貫耳俗趨伉男子有勇黥其手女已嫁黥項雜  
居多淫佚謂歲首爲茂師哀以三哀爲一時以十二物  
紀年如歲在寅則曰虎年氣多寒雖大河亦半冰稼有  
禾粟大小麥青稞步磴以爲麩糜糝以三月種九月穫

以飯以釀酒而無果蔬畜馬至壯大以善鬪者爲頭馬  
有橐駝牛羊牛更多富農至數千其獸有野馬骨咄黃  
羊羴羝鹿黑尾黑尾者似麀尾大而黑魚有蔑者長七  
八尺莫痕者無骨口出頤下烏雁鶩烏鵲鷹隼木松樺  
榆柳蒲松高者仰射不能及顛而樺尤多有金鐵錫每  
雨後必得鐵號迦沙爲兵絕犀利常以輸突厥其戰有  
弓矢旗幟其騎士析木爲盾蔽股足又以圓盾傳肩可  
捍矢刃其君曰阿熱遂姓阿熱氏建一纛下皆尚赤餘  
以部落爲號服貴貂豹阿熱冬帽貂夏帽金釧銳頂而  
卷末諸下皆帽白氊喜佩刀礪賤者衣皮不帽女衣毳



駝錦罽綾蓋安西北庭大食所貿售也阿熱駐牙青山  
周柵代垣聯瓊爲帳號密的支他首領居小帳凡調兵  
諸部役屬者悉行內貂鼠青鼠爲賦其官宰相都督職  
使長史將軍達干六等宰相七都督三職使十皆典兵  
長史十五將軍達干無負諸部食肉及馬酪惟阿熱設  
餅餌樂有笛鼓笙感篋盤鈴戲有弄駝師子馬伎繩伎  
祠神惟水草祭無時呼巫爲甘婚嫁納羊馬以聘富  
者或百千計喪不勞面三環尸哭乃火之踰歲爲墓然  
後哭泣有節冬處室木皮爲覆其文字言語與回鶻同  
法最嚴臨陣撓奉使不稱妄議國若盜者皆斷首子爲

盜以首著父頸非死不脫阿熱牙至回鶻牙所橐駝四  
十日行使者道出天德又二百里許抵西受降城北三  
百里許至鷓鴣泉泉西北至回鶻牙千五百里許而有  
東西二道泉之北東道也回鶻牙北六百里得仙娥河  
河東北曰雪山地多水草青山之東有水曰劔河偶艇  
以度水悉東北流經其國合而北入于海東至木馬突  
厥三部落曰都播彌列哥餓支其長皆爲頡斤樺皮覆  
室多善馬俗乘木馬馳冰上以板藉足屈木支腋蹶輒  
百步勢迅激夜鈔盜晝伏匿堅昆之人得以役屬之堅  
昆本強國也地與突厥等突厥以女妻其豪帥始隸薛



延陀延陀以頡利發一人監國其渠長三人曰訖悉輩  
曰居沙波輩曰阿米輩共治其國未嘗與中國通唐貞  
觀二十二年聞鐵勒等入臣即遣使者獻方物其君長  
俟利發失鉢屈阿棧身入朝以其地爲堅昆府拜俟利  
發左屯衛大將軍即爲都督隸燕然都護高宗世再來  
朝景龍中獻方物明皇世四朝獻乾元中爲回紇所破  
自是不能通中國後語訛爲黠戛斯蓋回鶻言若曰黃  
赤面云又訛爲夏夏斯常與大食吐蕃葛邏祿相依仗  
吐蕃之往來者畏回鶻剽鈔必往葛邏祿以待黠戛護  
送回鶻授其君長阿熱官回鶻稍衰阿熱即自稱可汗

回鶻遣師伐之不勝阿熱恃勝詬之回鶻不能討其將  
句錄莫賀導阿熱破殺回鶻可汗諸特勒皆潰阿熱身  
自將焚其牙悉收寶貨并得太和公主遂徙牙牢山之  
南牢山亦曰賭滿距回鶻舊牙度馬行十五日阿熱以  
公主唐貴女遣使送衛還朝爲回鶻烏介可汗邀取之  
并殺使者會昌中遣使上書言狀行三歲至京師武宗  
大悅班渤海使者以其窮遠能修職貢遣使持節臨慰  
其國詔宰相即鴻臚寺見使者使驛官考山川國風詔  
阿熱著宗正屬籍是時烏介可汗餘衆託黑車子阿熱  
願乘秋馬肥擊取之表天子請師帝令給侍中劉濛爲



巡邊使朝廷亦以河隴四鎮十八州久淪幸回鶻破弱吐蕃亂相殘齧可乘其衰乃以右散騎常侍李拭使黠戛斯冊君長為宗英雄武誠明可汗未行而武宗崩宣宗嗣位欲如先帝意或謂黠戛斯小種不足與唐抗詔宰相與臺省四品以上官議皆曰回鶻盛時有冊號今幸衰亡又加黠戛斯後且生患乃止至大中元年卒詔鴻臚卿李業持節冊黠戛斯為英武誠明可汗逮咸通間三來朝然卒不能取回鶻續文獻通考曰遼太宗天顯六年西南邊將以慕化轄戛斯國人來穆宗應曆二年景宗保寧八年常遣使貢

庫莫奚

原杜氏通典曰庫莫奚聞于後魏及後周其先東部鮮卑宇文之別種也初為慕容皝所破遺落者竄于松漠之間其地在柳城郡之北善射獵及突厥興而臣屬之後稍強盛分為五部一曰辱紇主二曰莫賀弗三曰契箇四曰木昆五曰室得理饒樂水北即鮮卑故地一名如洛環水蓋饒樂之訛也每部置俟斤一人為帥隨逐水草頗同突厥有阿會氏五部中為盛諸部皆歸之增文獻通考曰隋代號曰奚突厥稱蕃人後遣使入朝唐元宗世八入朝獻至德以後朝獻不絕元和元年君梅落身入朝拜檢校司空



歸誠郡王賜姓李氏然陰結回鶻室韋兵犯西城振武  
 憲宗世四朝獻咸通九年其王入朝是後契丹方強奚  
 不敢亢而舉部役屬當唐之末居陰涼川在營府之西  
 幽州之西南皆數百里有人馬二萬騎分為五部一曰  
 阿蒼部二曰啜米部三曰粵質部四曰奴皆部五曰黑  
 訖支部後徙居琵琶川在幽州東北數百里地多黑羊  
 馬趨前蹄堅善走其登山逐獸下上如飛常為契丹守  
 界上而苦其苛虐奚王去諸怨叛以別部西徙媯州依  
 北山射獵常採北山麝香人參賂劉守光以自託其族  
 至數千帳始分為東西奚 續文獻通考曰遼太祖嘗

討奚平之置奚隋塊部太宗時奚王勞骨寧率六節度  
 使朝貢奚鈿勃德部進白麝聖宗時罷奚五部歲貢麇  
 鹿并諸部方物

契丹

**原**杜氏通典曰契丹之先與庫莫奚異種而同類並為  
 慕容氏所破俱竄于松漠之間後魏初大破之遂逃迸  
 與庫莫奚反背經數十年稍滋蔓有部落于黃龍之北  
 數百里唐貞觀二十二年十一月契丹帥窟哥率其部  
 內屬以契丹部為松漠都督府拜窟哥為持節十州諸  
 軍事松漠都督于營州兼置東夷都護以統松漠饒樂



之地罷護東夷校尉官

回紇一

**原**杜氏通典曰回紇在薛延陀北境居延婆陵水去長安萬六千九百里勝兵五萬人先屬突厥初有時健俟斤死子菩薩立唐貞觀初與薛延陀俱叛突厥頡利可汗侵其北邊頡利遣騎討之戰于天山大破之俘其部眾回紇由是率其眾附于薛延陀號為活頡利發仍遣使朝貢 **增**續文獻通考曰回鶻即回紇至唐德宗時改為回鶻言其健鷲如鶻也常以公主妻之宋宣和間常入貢尋恐其為邊害詔禁止之遼時貢獻不絕間亦

請婚不許

回紇二

**增**唐杜牧論回鶻啓曰伏以回鶻種落人素非多校于突厥絕為小弱今者國破眾叛逃來漢南為羈旅之魂食草萊之實白驪驪駢之騎凋耗已無漚酪皮毳之資飢寒皆盡寄命雜種藏跡陰山取之及時可以一戰自兩漢伐北皆是秋冬不過百日驅中國之人入苦寒之地此時匈奴勁弓折膠童馬免乳畜肥草壯力全氣盛與之相校勝少敗多故匈奴云漢實大國也但其人不能辛苦耳此所謂避虛而擊實逃短而攻長至于後



魏崔浩因見其理蠕蠕強盛屢犯北邊浩請討之曰蠕蠕恃其地遠自寬已久故夏則散衆放畜秋乃背寒向暗南來寇抄今出其慮表掩其不備大兵卒至必驚駭星分向塵奔走牡馬護牧牝馬戀駒驅馳難制不得水草未過數日則聚而困斃可一舉而滅矣武帝從之及全軍入境蠕蠕先不設備民畜布野驚怖四奔莫相收攝于是分軍撲討東西五千里南北三千里凡其所俘及獲畜產彌漫山澤高車因殺蠕蠕種類歸降者三十餘萬落帝公弱水西行至涿邪山諸將慮深入恐有伏兵勸帝停止不追浩先勸窮追之不從後聞涼州賈

言若更前行三日則盡滅之矣帝深恨之今若以幽并突陣之騎酒泉教射之兵整飭誠誓仲夏潛發計陰山與涿邪之遠近十不一二校蠕蠕回紇之強弱猶如虎鼠五月節氣在中夏則熱到陰山尚寒中國之兵足以施展行軍于枕席之上翫寇于掌股之中軌輻縣瓶湯沃睨雪一舉無類必然之策

### 室韋

**增**文獻通考曰室韋有五部後魏末通焉並在靺鞨之北路出柳城諸部不相總一所謂南室韋北室韋鉢室韋深末怛室韋大室韋並無君長人衆貧弱突厥沙鉢



畧可汗常以吐屯潘埜統領之蓋契丹之類也其南者  
為契丹在北者號室韋南室韋在契丹北三千里後魏書自契丹路經水蓋積丁山其山周延三百里又經屈利水始到其國土地卑濕至夏則移  
向西貢勃次對二山多草木饒禽獸然多蚊蚋人皆巢  
居以避其患後漸分為二十五部每部有餘莫弗滿咄  
猶君長也死則子弟代立之嗣絕則擇賢豪而立之衣  
服與契丹同乘牛車蓬蔭為室如突厥瓊車之狀渡水  
則束薪為棧或有以皮為舟者馬則織草為韉結繩為  
纜寢則屈木為室以蘆蔭覆上移則載行以猪皮為席  
編木藉之氣候多寒田收甚薄無羊少馬多猪牛與靺

鞞同俗婚嫁之法二家相許婿輒盜婦去然後送牛馬  
為聘婦人不再嫁以其為死者妻也其國無鐵取給于  
高麗自南室韋北行十一日至北室韋分為九部落其  
部渠帥號乞引莫賀咄氣候最寒冬則入山居穴中牛  
畜多凍死饒麋鹿射獵為務鑿冰沒水中而網取魚鱉  
地多積雪懼陷坑穿騎木而行俗皆捕貂為業冠以狐  
貂衣以魚皮北行千里至鉢室韋依胡布山而住人眾  
多于北室韋不知為幾部落用桦皮蓋屋其餘同北室  
韋從鉢室韋西南四日行至深末怛室韋因水為號也  
冬月穴居以避太陰之氣又西北數千里至大室韋逕



路險阻言語不通尤多貂及青鼠北室韋後魏武定隋  
開皇大業中並遣使朝獻餘無至者唐所聞有九部曰  
嶺西室韋山北室韋黃頭室韋大如者室韋小如者室  
韋婆蒿室韋訥北室韋達木室韋駱駝室韋並在柳城  
郡之東北近者三千五百里遠六千二百里貞觀五年  
始來貢豐貂後再入朝長壽二年叛將軍李多祚擊定  
之景隆初復朝獻請助討突厥開元天寶以後頻朝獻  
續文獻通考曰遼太祖時黑車子室韋以八部降尋  
復叛討破之太宗時嘗進白鹿又貢名馬穆宗時黃室  
韋與大黃室韋小黃室韋俱叛聖宗以後頗為共命

地豆干

增文獻通考曰地豆干國在室韋西千餘里多牛羊出  
名馬皮為衣服無五穀惟食肉酪魏延興三年遣使朝  
貢至太和六年貢使不絕十四年犯塞孝文詔征西大  
將軍陽平王頥擊走之自後時朝京師齊時亦入貢

驅度寐

增文獻通考曰驅度寐隋時聞焉在室韋北其人甚長  
而衣短不索髮皆裹頭居土窟中惟有猪更無諸畜人  
輕捷一跳三丈餘又能立浮卧浮履水沒腰與陸走不  
異數乘大船至北室韋抄掠無甲冑以石為矢鏃



流鬼

**增**文獻通考曰流鬼在北海北北至夜叉國餘三面皆抵大海南去莫設靺鞨船行十五日無城郭依海島散居掘地數尺深兩邊斜豎木構為屋人皆皮服又狗毛雜麻為布而衣之婦人冬衣豕鹿皮夏衣魚皮制與獠同多沮澤有鹽魚之利地氣沍寒早霜雪每堅冰後以木廣六寸長七尺施系其上以踐層冰逐及奔獸俗多狗勝兵萬餘人無相敬之禮官察之法不識四時節序有他盜入境乃相呼召弓長四尺餘箭與中國同以骨石為鏃樂有歌舞死解封樹哭之三年無餘服制靺鞨

有乘海至其國貨易陳國家之盛業于是其君長孟犇遣其子可也余志以唐貞觀十四年三譯而來朝貢初至靺鞨不解乘馬上即顛墜其長老人傳言其國北一月行有夜叉國人皆豕牙翹出噉人莫有涉其界者未嘗通聘

鬼國

**增**文獻通考曰鬼國在駁馬國西六十日行其國人夜遊晝隱身衣渾剥鹿皮眼鼻耳與中國人同口在頂上食用瓦器土無米粟噉鹿皮及蛇

鹽漠念

邊塞部

淵鑑類函卷二百四十一

鬼國鹽漠念敵木姑

二十



增文獻通考曰鹽漠念咄六闕俟斤部落又北八日行至可史檐部落無牛羊雜畜其婚姻嫁娶與突厥同土多松樺每年稅貂獺青白二鼠皮以奉其長

敵烈

增續文獻通考曰敵烈遼太宗與穆景之世歲來貢聖宗時殺詳穩以叛雖就招撫輒復叛寇烏古部節度使蕭普達嘗討叛命敵烈滅之有渠長頗白來貢馬駝與宗後復叛後遼主為金所逼歸于其部邪律大石乃有其地

朮不姑

增續文獻通考曰遼太宗時嘗來貢至聖宗之世而諸部皆叛興宗時復來貢自是始絕矣

烏古

增續文獻通考曰遼太祖征烏古部以烏古奚為圖慮涅離與畏三部太宗時常來貢穆宗時烏古叛掠居民財物遣林牙蕭幹討之聖宗以後叛服不一至天祚時入于金

五國

增續文獻通考曰五國與隈烏古部共節度使遼聖宗統和二年邪律注以所轄諸部難制請賜詔給劔仍便



宜從事許之興宗時其長各率所部來貢方物道宗時  
叛命左夷離畢蕭素颺討降之仍獻貢不絕

韃靼

**增**韃靼國在沙漠中其迤東曰瓦剌種落不一歷代名  
稱各異夏曰獯鬻周曰玁狁秦漢皆曰匈奴唐曰突厥  
宋曰契丹自漢以來匈奴頗盛後稍弱而烏桓興漢末  
鮮卑滅烏桓盡有其地後魏時蠕蠕獨強與魏為敵蠕  
蠕滅而突厥起盡有西北地唐貞觀中李靖滅之而契  
丹復盛別部小者曰蒙古曰秦赤烏曰塔塔兒曰克列  
各據分地既而兼并明永樂間有馬哈木封順寧王叛

服不常屢親征之正統間馬哈木之孫也先大舉入寇  
挾英宗北去明年送還其始馬哈木與子脫歡孫也先  
並居瓦剌而後共入河套部衆愈多內入愈熾也先死  
小王子立小王子三子長阿爾倫次阿著卜孫次滿官  
噴太師亦不剌殺阿爾倫遜入西海阿著稱小王子子  
三長吉囊次俺荅次老把都阿著死衆推立卜赤稱亦  
克罕有衆七萬分五大營曰好陳察罕兒曰召阿兒曰  
把郎阿兒曰克失旦曰卜爾報可卜赤居中屯牧五營  
環衛之又東有岡留罕哈爾填三部岡留部營三其長  
曰滿會王罕哈部營三其長曰猛可不郎爾填部營一



其長曰可都留三部共有衆六萬居沙漠東鄙與朶顏  
爲鄰南部長曰把荅罕奈曰失喇台吉有衆五萬西部  
長曰應詔不曰阿魯禿斯曰滿官嗔應詔不部下分十  
營曰阿速曰哈刺嗔曰舍奴郎曰孛來曰當刺兒罕曰  
失保嗔曰入兒厥曰荒花旦曰奴母嗔曰荅不乃麻舊  
屬亦不刺亦不刺遁海西遂分散唯哈刺嗔一營僅全  
阿魯禿斯部下分七營舊亦屬亦不刺今從吉囊合爲  
四營曰孛合斯曰偶甚曰叭哈思納曰打郎衆至七萬  
滿官嗔部下分八營舊屬火篩今從俺荅合爲六營曰  
多羅土悶曰畏吾兒曰兀甚曰叭要曰兀魯曰土吉刺

衆可四萬南有哈刺嗔部營一渠把荅罕奈衆可三萬  
哈連部營一渠失刺台吉衆可二萬居宣府大同塞北  
有兀良罕營一故小王子北部也因隙叛去至今相攻  
又西爲瓦刺可五萬人世與土魯番爲讐諸部雖水草  
遷徙不定然營部皆有分地不相亂諸部中唯俺荅最  
獷桀其子黃台吉尤善用兵隆慶間俺荅執叛人趙全  
來獻乃封順義王許開市通貢凡十一處在大同者三  
曰得勝口曰新平曰守口在宣府者一曰張家口在山  
西者一曰水泉營在延綏者一曰紅山寺堡在寧夏者  
三曰清水營曰中衛曰平鹵衛在甘肅者二曰洪水扁



都口曰高滿塞其餘奉貢者六一老把都後為吉把都  
台吉等一黃台吉等今為扯力克等一永郡卜大成台  
吉等一兀慎打兒漢台吉等一合羅氣把都兒台吉等  
一吉能後為把都兒黃台吉等今為卜失兔阿不害等  
皆統于順義王歲以為常市各二日

明一統志續文獻通考

### 兀良哈

**增**續文獻通考曰兀良哈本春秋時山戎地秦為遼西  
郡北境漢為奚首所據東漢征敗之走匿松漠間後魏  
之先復居于此號庫莫奚後服屬契丹元為大寧路北  
境明洪武十四年封寧王于此二十二年夏四月詔以

兀良哈之地置三衛自全寧抵喜峯口近宣府鎮者曰  
朵顏衛自錦義歷廣寧至遼河界者曰泰寧衛自黃泥  
窪踰瀋陽鐵嶺接開原鎮者曰福餘衛自錦義渡遼河  
至白雲山為大寧皆逐水草無恒居三衛朵顏最強分  
地又最險其貢路入自喜峯口而市則在遼東防其變  
也成祖靖難三衛赴義有功永樂初割大寧地與之徙  
寧王于南昌改行都司于保定為大寧都司又增置卜  
刺罕衛今東起遼陽西距西海治皆其境也其風俗與  
契丹同其山曰馬孟廣袤千里中峯形類馬孟其產馬  
橐駝黃牛瑪瑙鵲樺皮白蒲萄其貢駝馬其承襲不分



真偽俱稱舍人正統九年竄伏迤北時出擾邊朝廷命成國公朱勇與都督馬諒陳懷領兵三道出號二十萬至全寧擊敗福餘抵虎頭山遇泰寧朵顏又破之正德時朵顏都督花當子把兒孫入馬蘭谷塞殺參將陳乾把兒孫死革蘭台又為衆所推益肆侵掠邊人不得耕牧陽順陰逆叛服不常明為外衛實明世肘腋之隱憂也



